

УДАРНИК

ВКП(б)-лэн П-Пурга Райкомез-
лэн но Райисполкомлэн
органы
— (АDRЭС: М-Пурга УАССР) —

Туннэ СССР-лэн Верховной Советэзлэн нырысетй Сессиез усьтйське

Туннэ—12 январе 1938 арын СССР-лэн Верховной Советэзлэн нырысетй Сессиез усьтйське—Социалистической кунлэн государственной властезлэн высшой органэзлэн. Со бадзым событие луэ.

СССР-лэн Верховной Советэз вань советской калыкен единомушно быр'емын. Трудяшойёслэн со дунне вышын одйгез парламентсы, кудйке калык'ёслэсь интерес'ёссэс подлинно выражать каре. СССР-лэн Верховной Советэзлэн депутат'ёсыз—умойёсыз пöлысь умойёсыз Советской калыклэн писсыз, калыклэн бадзым осконныз ыстмын. Верховной Советлэн 1143 депутат'ёсыз—569-эз Союзлэн Советаз но 574-эз Национальностьёслэн Советазы—со, калыклэн слугазы, Советской властезлэн Верховной органаз ыстмызы. 90 миллион мында ужас'ёс, крестьян'ёс, красноармеец'ёс но интеллигент'ёс коммунист'ёслэн но беспартийноёслэн вормонтэм Сталинской блоксылэн кандидат'ёсылы, Верховной Советлэн депутат'ёсылы асысье голоссыс сөйзы.

12-тй декабре 1937 арын 90 миллион трудяшойёс СССР-лэн Верховной Советэзлы бадзым полномочие сөйзы—дунне вылын нырысь социалистической кунэн кивалтыны, кивалтыны озы, кызыке Ленинлэн—Сталинлэн партизы дышетэ, кызы сое Сталинской центральной комитет требовать каре. Со наказ дасо миллионэн лыд'ясыкы избирательёслэн—каждой депутатлы высшой законэн луэ. Сталинской Конституция тйянтэм пöрядок пунктйз, кудй'я законодательной властэ исключительно СССР-лэн Верховной Советэныз гинэ осуществляться кариське.

Соин эшшо огпол тодмо луэ на, асьме советской кунын законлэн значениез. СССР-ын областной, краевой но районной закон'ёс өвёл но луыны но уг быгато, Ленинлэн гожтэмез'я, Калужской но Казанской закон-ость медаз лу, мед луоз со вань советской кун понна единой. Законодательной правоез исключительно, Верховной Совет борды юматса, асьме закон'ёслэсь юн политиказэ возматэ, кудзэ партия но правительство нуэ.

СССР-лэн Верховной Советэзлэн деятельностьз государственной, хозяйственной но общественной улон'ёслэн вань сфераосыз пыро со народной хозяйствоез азылань нуоно луэ, чтобы вакчи исторической срок'ёсын асьмелэн социалистической экономикамы вань показательёсын дунне вылын нырысь инты мед бастоз; со асьме кунысь культураез мед жутоз, чтобы со удысын но социализм быдэсак вормон мед кутоз; со котькызы ик, кун събрын тушмон'ёлы но капиталист'ёсын котыртэм агент'ёслы, асьме кун пушкы проникать карисьёслы пумит, рэдинамылэсь оборона э мед юматоз; со азылань-зэ, городысь но гур'ысь но вань трудяшойёслэсь умой улонзэс жоген эшшо вылэ мед жуто. Верховной

Советлэн деятельностьлэн сыче программаосыз калыкен диктоваться карисько, со калык'ёслэн интерессы, нош Верховной Советлэн но гаче сяна өвёл интересэз, уз но луы.

Верховной советлэн кык палата—Союзлэн Советэз но Национальностьёс эн советсы, кыкез ик палатаос равной луэ.

Куд ог буржуазной государствоослэн но палатаоссы—Европейскойёслэн но Американскойёслэн—озы ик кык палата луэ. Нош нокутын но равноправной палатаос өвёл. Буржуазной кун'ёсын, тодмо на, в ы л и палаталы, улийезлэсь трос право сөто, нош собере, правилоз озы, вылийез палата демократически организоваться уг кариськы, трос дыр'я солэн член'ёсыз вылысен назначаться карисько. Асьмеос тодйськом ни, что капиталистической кун'ёсын кык палатао система минус'ёс гинэ, вылийез палата отын котькыче азылань мынон'ёслы пыр могатэ, реакцилэн центрезлы пöрме. Озы сылэ уж Англиын лорд'ёслэн палатаенызы, Франциын сенатэн, озы ик мукет сыче учреждениосын, куд'ёссэ „народной“ представительствоез нимало.

Совершенно мукет валанэз, но мукет значениез советской парламентлэн кык палатао системаезлэн.

Верховной Советэз быр'ён'ёс Ленинско—Сталинской национальной поли икалэн бадзым вормонныз луизы, кудзэ ке кожатэк (неуклонно) большевистской партия но советской правительство нуэ.

Советской калык аслаз быр'ем Верховной Советэзлы бадзым требовани пред'явить каре. Со требованиос сярысь Сталин эш, Сталинской избирательной округысь избирательёслэн собраниязы вераз.

СССР-лэн Верховной Советэз, асьме кунлы—великой, могучой социалистической державалы кузё луэ, Ленинлэн—Сталинлэн партизылэн сюресэз кузя, СССР-ысь калык'ёсты коммунизмлэн выль вормон'ёсаз нуоз.

(Удм. Правдалэн 24 декабре потэм передовойысьтыз)

АКСАКШУР
СЕЛЬСОВЕТЫН

Аксакшур сельсоветысь колхоз'ёс али но стахановской двухдекаднике өз пырыське на. „Удмурт коммуна“ но Каганович колхоз'ёсын саботаж организовать каремын, нош сельсовет но колхоз правлениеос солы пумит нюр'яскон организовать уг каро.

„Удмурт коммуна“ колхозын рожество дыр'я куинь нунал юизы, одйг колхозник но колхозница но өз ужа ни. Нош та колхозын вань хозяйственно-политической уж'ёс куашкамын. Кутсаськонзэ бастонке, туннэ нуналлы 37 проц. сяна быдтэмын өвёл, куинь, пароконной молотилкаосын 210 центнер интые, 60-65 центнер сяна уг кутсало. Озы ик государстволы е'йн мертчан сөтонэн но, 56 центнер интые 10 центнер сяна сдать каремын өвёл.



Асьмелэн быр'ем депутат'ёсы Верховной Советлэн нырысетй сессияз—вылийезе СССР-ысь но РСФСР-ысь Осоавиахимлэн Центральной Советэзлэн председателез **П. С. Горшенин**, УАССР-ысь здравоохранение ужпум'ёс'я Народной Комиссарез **Ф. А. Растегаева** но УАССР-ысь Совнаркомлэн председателез **А. В. Тронин** эш'ёс.

Тулыв кизён тырлыкез тупат'яны өз кутске на.

Каганович колхозын но уж талэсь умой өвёл, кутсаськон 35 проц. сяна кутсамын өвёл, Гожня МТС-лэн та колхозын сложной молотилкаез 18-тй декабрь тырысен сылэ ни. Озы ик мукет уж'ёс но бере кылыса мыно. Та колхозын пудо вордон но урод пунктэмын, али 17 кунян луоно скал'ёс, нош со приплодз пыртыны 8-эзлы сяна помешени дась өвёл.

„Кутер-Кутон“ колхозын рожество дыр'я коммунист Лукиных ачиз вина юон организовать кариз, соин солэн бригадаез 2-3 нунал чоже уже өз пота.

Та уж'ёслэн куашкамзы мар бордысь потэ?

Сельсоветын сыче чидантэм урод уж ке но, сельсовет председатель Баушев, колхоз'ёслэн председательёсы Софронов (Удм. коммуна) но Марков („Каганович“) асызлы но-

кыче вывод'ёс уг лэсьто. Со саботажез организовать карисьёсты уг адзо.

СССР-лэн Верховной Советаз быр'ён'ёс ортчем бере колхозник'ёс пушкын массовой уж нуон анализмын, агитатор'ёс али ышемын ни. Сельсовет но колхоз правлениеос асысье политической беспечностенызы классовой тушмон'ёслэсь ужзэс уг адзо. Вина пöстыонэн нюр'яскон уж номирлы ярантэм ляб пунктэмын. Социалистической чөшатскон организовать каронлы но кыче значение уг сөто. Тйни озы бере, вань урод уж'ёс но соос бордысь пото.

Вань верам уж'ёсты прорывысь поттон понна нырысь ик, со вылий верам тырмымтэ интыосты быдтоно. „Удмурт коммуна“ но Каганович колхоз'ёслэн председательёсызлы ужез умой организовать кароно.

